



UNIVERSITÄTS-
BIBLIOTHEK
PADERBORN

Universitätsbibliothek Paderborn

Thomæ A Kempis Canonici Regvlaris Ord. S. Avgvstini De Imitatione Christi Libri Qvatvor

Thomas <von Kempen>

Antverpiæ, 1617

Elogia Magnorvm Virorvm De Hisce Libris, qui olim, maximè in Italia,
Ioanni Gersoni falsò inscribentur.

[urn:nbn:de:hbz:466:1-45760](https://nbn-resolving.org/urn:nbn:de:hbz:466:1-45760)

ELOGIA
MAGNORVM VIRORVM
DE

HISCE LIBRIS,
qui olim, maximè in Italia,
IOANNI GERSONI
falsò inscribebantur.

B. P. IGNATII LOIOLÆ
Societatis IESV fundatoris.

*Ludouicus Gonzalez in Actis beati
IGNATII summâ diligentia rogatu
Ioannis III. Lusitania Regis
annotatis, quæ manuscripta Romæ
in domo Professâ asservantur, ita
testatur:*

SOLITVM fuisse sanctum Patrem
quotidie legere vnum caput ex
libello Ioannis Gersonis: & qui-
dem vnum eo ordine, quo in eo
disposita sunt capita. A prandio
verò, & aliis horis, solitum alte-
rum

rum caput euoluere, quod veluti casu, aperto libello, sine vlllo foliorum discrimine obtigisset: semperque inuenisse in eo materiam, præsentianimi statui accommodatam, & quam ipse beatus Pater eo tempore in animo impressam haberet. adeoq; familiarem ei fuisse istum libellum, vt moribus suis, verbis, motibus, actionibus denique omnibus, salutaris illius libri documenta perfectissimè exprimeret; vt qui cum beato Patre assidue versabantur, agnouerint in eius vitâ viuam imaginem expressam Ioannis Gersonis, cuius lectionem commendabat omnibus quibuscum tractabat.

Petrus Ribadeneira lib. I .cap. XIII.

Vitæ B. P. IGNATII.

THOMÆ de Kempis de Imitatione Christi libello plurimum tum vtebatur, illiusq; lectionem valdè semper probauit, atque ita illius libri spiritum & doctrinam

* 5

hau-

hausit, tam auidè arripuit, tam perfectè in se expressit, vt (multorum iudicio) IGNATII vita solida quædam, eminens ac viua esset imago eorum præceptorum omnium, quæ aureo illo libello continentur.

Nicolaus Orlandinus par. 1. lib. v. histor. Societatis IESV, num. 9.

Quo domum receptus est die Hieronymus Natalis, monuit beatus IGNATIVS, vt biduo post ministrare coquo & hortulano inciperet, & quotidie caput ex Gersono, in quo meditaretur, legeret: tum alia capita, vt necessitas vel infirmitas postularet. Idque dixit beatus Pater cum mirificâ (vti semper solebat) laude eius libelli: addens, fore, quod in se ipse quidem esset expertus, vbi etiam fortuitò aperiret, vt quæ præsentî necessitati conuenientia essent, occurrerent.

CAR-

CARDINALIS BELLARMINI.

Ipse de se in libro de Scriptoribus Ecclesiasticis, in Ioanne Gersono.

OPUSCULUM est utilissimum, & iure in totâ Ecclesiâ summo omnium consensu receptum & frequentatum, & in omnes linguas conuersum. Ego certè ab adolescentiâ & vsque ad senectam, hoc opusculum sæpissimè volui, & reuolui: & semper mihi nouum apparuit, & nunc etiam mirificè cordi meo sapit.

REGIS MAVRITANIÆ.

Henricus Sommalius Societatis IESV in epistolâ ad Leonardum Bottenium Cænobij S. Trudonis Abbatem.

QVANTA sit huius libelli dignitas, quâ se omnibus longè lateque probauit, vel ex hoc liquidò patet: quòd post sacros codices, nullus tam crebrò typis fuerit excusus:

* 6

cusus:

cusus : nullus tam cupidè ab omnibus expetitus ac lectitatus, à summis, mediis, infimis : nullus qui in tam varias sit linguas transfusus, atque omnium calculis approbatus. Referam hîc, quod nisi gravissimis testimoniis niteretur, incredibile videri posset. Cùm quidam è Societate IESV ante annos plus minus duodeuiginti, Argirium Mauritanix profectus fuisset, pretium redemptionis captiuorum laturus; Rex, qui aliquando Christianus fuerat, eum in suam duxit Bibliothecam, variâ librorum supellectili instructam : varios hîc illi codices visendos porrigit, atque in his librum de Imitatione Christi, vulgari Turcarum linguâ conuersum. adiecit autem, pluris se vnicum illum facere, quàm reliquos omnes Mahumetanorum.

OMIT-

OMITTO alia virorum grauis-
simorum testimonia, cum constet
viris sanctissimis librum hunc ita fa-
miliarem fuisse, ut S. Carolus Borro-
maeus Cardinalis & Pius V. eum via
vitæ suæ comitem semper adsciue-
rint: ex hoc B. Philippus Nerijs reli-
giosum spiritum imbibit; eo Alexan-
der Saulius Papiensis Episcopus ani-
mum suum grauisimis diœcesis suæ
curis distractum refecit & oblectauit.
Hunc Ioannes Vendvillius, Torna-
censium in Belgio Antistes, eo loco ha-
buit, ut quoties Thomam à Kempis si-
bi deposceret (quod indies factitabat)
non aliâ voce, quàm DA LIBRUM,
ut ἐξοχλὸν vteretur. Denique commu-
nis omnium nostrum parens ac dux
B. IGNATIVS Filiis suis eum librum
maximè commendavit. Quo factum
est, ut nullum penè in Societatis no-
stræ domiciliis cubiculum sit, cuius au-
ctor iste non sit inquilinus.